

JAVNI POZIV

ugostiteljskim objektima, seoskim domaćinstvima i drugim pružaocima usluga koji u svojoj ponudi imaju ili žele imati tradicionalna lokalna jela

Opština Tivat poziva sve zainteresovane (restorane, domaćinstva i ostale pružaoce usluga, kao i građane) da podijele svoje recepte tradicionalne hrane, koji trebaju biti vezani uz područje Tivta i Boke Kotorske, te mogu podrazumijevati jela i poslastice pripremene u različitim prilikama.

Svi recepti i načini pripreme jela prikupljaju se u sklopu projekta CUHaCHA čiji je cilj očuvanje kulinarske baštine i njena promocija u svrhu unaprjeđenja turističke ponude. Namjera ovog projekta je očuvati kulinarsku baštinu našeg kraja i oživjeti stare recepte naših predaka.

Glavni cilj projekta "CUHaCHA" je ojačati i očuvati identitet zajedničke kulinarske baštine programskog područja i doprinjeti razvoju turizma.

Projekat će razviti 4 rezultata:

- Zajedničke staze kulinarske baštine za jačanje i diverzifikaciju turističke ponude
- Monografija kulinarske baštine
- Obuka pružaoca usluga kako bi se osiguralo bolje upravljanje kulinarskom baštinom
- Uređenje tradicionalnih kuhinja za unapredjenje kulinarske baštine ovog područja

Svi zainteresovani ugostiteljski objekti koji žele unaprijediti svoju postojeću ponudu tradicionalne kuhinje, kao i njen način posluživanja, moći će učestvovati u specijalizovanim radionicama kuvanja, pripreme i posluživanja jela, kao i načinima predstavljanja gastronomске baštine našega kraja.

Projekt EnhanCing Sustainable ToUrism Development through Culinary HeritAge – „CUHaCHA“ koji je odobren u sklopu programa Interreg IPA CBC Hrvatska – Bosna i Hercegovina – Crna Gora 2014.-2020, stavlja hrana i kulturu u prvi plan turističke ponude. Smatramo da je hrana od posebne važnosti na ovom području gdje su tradicija, kulturna baština, gastronomija i ugostiteljstvo neraskidivo isprepleteni. Lokalna kuhinja i lokalni proizvodi mogu podstići inovacije i promociju te u krajnjem osigurati razvoj na regionalnom i globalnom nivou. Iznad svega, mogu još više poboljšati turističku ponudu.

Ako imate stare recepte, načine priprema starih jela i voljni ste ih podijeliti s nama, molimo Vas da nam se javite putem e-maila: ivona.petrovic@opstintativat.me do 25.06.2021. godine.

Zahvaljujemo Vam se na podršci i učestvovanju!



Ova publikacija izrađena je uz pomoć Evropske unije. Sadržaj ove publikacije isključiva je odgovornost Opštine Tivati ni na koji način se ne može smatrati da odražava stavove Evropske unije.

Projekt je sufinanciran sredstvima EFRR i IPA II fondova Evropske unije.